

ხელშეკრულების მნიშვნელოვანი პირობები

საბანკო კრედიტის ხელშეკრულება # _____, [წელი] წლის [რიცხვი, თვე]

კრედიტის საპროცენტო განაკვეთი	
კრედიტის საპროცენტო განაკვეთის ტიპი:	ფიქსირებული საპროცენტო განაკვეთი
კრედიტის წლიური საპროცენტო განაკვეთი:	[პროცენტი ციფრებით] %
კრედიტის ეფექტური საპროცენტო განაკვეთი:	[პროცენტი ციფრებით] % კრედიტის ეფექტური საპროცენტო განაკვეთი ითვლება დაშვებით, რომ ხელშეკრულების დადების დროს მოქმედი საპროცენტო განაკვეთი უცვლელია ხელშეკრულების მოქმედების განმავლობაში
კრედიტის ფინანსური ხარჯები	
ყოველთვიური შენატანის ოდენობა:	[თანხა ციფრებით] ლარი
ვადის ბოლოს შენატანი:	[თანხა ციფრებით] ლარი
სხვა სახელშეკრულებო ინფორმაცია	
კრედიტის მთლიანი თანხის ოდენობა:	[თანხა ციფრებით] ლარი
კლიენტის მიერ გადასახდელი მთლიანი თანხის ოდენობა:	[თანხა ციფრებით] ლარი
კრედიტის მოქმედების ვადა:	[მიეთითოს კონკრეტული თარიღი]
საბანკო კრედიტის ხელშეკრულების მოქმედების ვადა:	[მიეთითოს კონკრეტული თარიღი] მაგრამ ყველა შემთხვევაში, სანამ სრულად არ იქნება შესრულებული კლიენტის ვალდებულებები.
კრედიტის ვადაზე ადრე დაფარვის პირგასამტეხლო:	პირგასამტეხლოს გარეშე
ხელშეკრულებაზე უარის თქმის უფლება:	<i>[თუ არ აქვს უარის თქმის უფლება, მიეთითოს]</i> კლიენტს არ აქვს უფლება უარი თქვას წინამდებარე ხელშეკრულებაზე „მომხმარებლის უფლებების დაცვის შესახებ“ საქართველოს კანონისა ან/და საქართველოს ეროვნული ბანკის პრეზიდენტის 2021 წლის 9 მარტის №32/04 ბრძანებით დამტკიცებული ფინანსური ორგანიზაციების მიერ მომსახურების გაწევისას მომხმარებელთა უფლებების დაცვის წესის მიხედვით. <i>[თუ აქვს უფლება, მიეთითოს]</i> კლიენტს უფლება აქვს ყოველგვარი საფუძვლის მითითების გარეშე უარი თქვას წინამდებარე ხელშეკრულებაზე, ამ ხელშეკრულების დადებიდან/მიწოდებიდან 14 კალენდარული დღის განმავლობაში ხელშეკრულების 4-15 მუხლების შესაბამისად.

ბანკი უფლებამოსილია ცალმხრივად შეცვალოს ხელშეკრულების პირობები. ხელშეკრულების მნიშვნელოვანი პირობების ცვლილების შემთხვევაში, კლიენტის ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში - არანაკლებ 1 (ერთი) თვით ადრე წერილობით/ელექტრონული ფოსტით/ინტერნეტ-ბანკით/მოკლე ტექსტური შეტყობინებით. შეტყობინების აღნიშნული ვადები არ მოქმედებს თუ ცვლილება: (ა) ხორციელდება კლიენტის სასარგებლოდ; ან (ბ) არ იწვევს ხელშეკრულების მნიშვნელოვანი პირობების ცვლილებას ან/და სხვა საფინანსო პროდუქტის ფასის გაზრდას.

კლიენტს უფლება აქვს წარადგინოს პრეტენზია ბანკის პრეტენზიების სამსახურში ზეპირი, წერილობითი, სტანდარტული წერილობითი ან/და ელექტრონული ფორმით. ასევე, დისტანციური მომსახურების ცენტრში, სატელეფონო ზარის საშუალებით: 032 2 55 55 00

კლიენტის ხელმოწერა / -----/

გაეცანით მომხმარებელთათვის სასარგებლო ინფორმაციას საქართველოს ეროვნული ბანკის ვებ-გვერდსა - www.nbg.gov.ge/cp და ცხელ ხაზზე - 032 2 406 406

საბანკო კრედიტის ხელშეკრულება N
(სამომხმარებლო სესხი)

წლის [რიცხვი, თვე]

- წინამდებარე ხელშეკრულების (შემდგომში - **ხელშეკრულება**) მხარეებს წარმოადგენენ: სს „ლიბერთი ბანკი“ (ს.ნ. 203828304, იურიდიული/საკორპორაციო მისამართი: ქ. თბილისი, ჭავჭავაძის გამზ. №74; ტელეფონი: 0322 55 55 00 , ელ-ფოსტა: info@libertybank.ge) (შემდგომში - **ბანკი**) და *კლიენტის სახელი და გვარი* (პ.ნ. , მისამართი: , ტელეფონი: , ელ-ფოსტა:) (შემდგომში - **კლიენტი**).
- ბანკი** უფლებამოსილია თავის შეხედულებით გასცეს **კრედიტი** ერთ ტრანშად, ხოლო **კლიენტი** ვალდებულია **ხელშეკრულებით** დადგენილი წესით სრულად დაფაროს **კრედიტი**, გადაიხადოს **კრედიტთან** დაკავშირებული გადასახდელები და სრულად შეასრულოს **ხელშეკრულებით** გათვალისწინებული სხვა ვალდებულებები.
- ხელშეკრულების** სხვა მნიშვნელოვანი პირობები მოცემულია **საბანკო კრედიტის ხელშეკრულების** სტანდარტული პირობები (შემდგომში - **პირობები**), რომელიც წარმოადგენს **საბანკო კრედიტის ხელშეკრულების დანართს** და განთავსებულია **ბანკის** ვებ-გვერდზე <https://libertybank.ge/ka/agreements/kreditis-khelshekrulebis-standartuli-pirobebi> და წინამდებარე გარიგებასთან ერთად წარმოადგენს ერთიან ხელშეკრულებას. ამასთან, **კლიენტი** ადასტურებს, რომ დეტალურად იცნობს და ეთანხმება **პირობებს**.
- ხელშეკრულებაზე უარის თქმის უფლება**. კანონმდებლობის შესაბამისად სპეციფიკური საფინანსო პროდუქტის შემთხვევაში, თუ უარის თქმის უფლება გათვალისწინებულია ხელშეკრულების თავსართით, **კლიენტი** უფლებამოსილია **ბანკის** მიერ განსაზღვრული წესით, **ბანკის** ფილიალში (მათ შორის სათაო შენობაში, მდებარე თბილისში, ჭავჭავაძის გამზ 74-ში), სერვის ცენტრში მისვლის გზით, ყოველგვარი საფუძვლის მითითების გარეშე, წერილობითი და ხელმოწერილი განცხადებით, უარი თქვას სპეციფიკური საფინანსო პროდუქტის საკრედიტო ხელშეკრულებაზე გაფორმებიდან (ან მიღებიდან, თუ ხელშეკრულებას მომხმარებელი გაფორმების შემდეგ მიიღებს) 14 (თოთხმეტი) კალენდარული დღის განმავლობაში. ამასთან, **ბანკი** უფლებამოსილია არ დააკმაყოფილოს უარის თქმის მოთხოვნა, თუ იგი არ ხორციელდება **კანონმდებლობის, ხელშეკრულების, ბანკის** შიდა პოლიტიკა-პროცედურის შესაბამისად, მათ შორის იმ შემთხვევაშიც, თუ **კლიენტმა** მატერიალურად ხელმოწერილ განცხადებაში არ მიუთითა სულ მცირე შემდეგი ინფორმაცია: **კლიენტის** სახელი-გვარი/დასახელება, პირადი/საიდენტიფიკაციო ნომერი, უარსაყოფი ხელშეკრულების: დასახელება, თარიღი, ნომერი. ხელშეკრულებაზე უარის თქმის უფლებით სარგებლობის პროცესში გასათვალისწინებელი დამატებითი პირობები:
- უარის თქმის უფლება არ ვრცელდება: ისეთ კრედიტზე, რომელიც უზრუნველყოფილია უძრავი ქონებით ან/და ფინანსური გირავნობით, ან/და არამატერიალური ქონებრივი სიკეთით ან/და მოძრავი ქონებით (გარდა მხოლოდ ავტოსატრანსპორტო საშუალებით ან/და ძვირფასი ლითონებით ან/და ძვირფასი ქვებით უზრუნველყოფილი კრედიტებისა), მიუხედავად უზრუნველყოფაზე შეთანხმების თარიღისა, რაც ამავდროულად გულისხმობს, რომ იმ შემთხვევაში თუ ხელშეკრულებაზე უარის თქმის განაცხადის დაფიქსირების შემდგომ მოხდება შესაბამისი უზრუნველყოფის წარმოდგენა ან/და გაფორმება, **კლიენტი** არ იქნება უფლებამოსილი ისარგებლოს უარის თქმის უფლებით.
- იმ შემთხვევაში თუ **ხელშეკრულების** ფარგლებში გათვალისწინებულია **კრედიტის თანხის** ტრანშებად გაცემა, ყოველი ახალი ტრანშის გაცემა არ იწვევს უარის თქმის უფლების და ამ უფლების რეალიზებისთვის დადგენილი შესაბამისი ვადების განახლებას, შესაბამისად **კლიენტი** ვალდებულია აღნიშნული უფლებით სარგებლობის მიზნით უარი თქვას არა მხოლოდ ცალკეულ ტრანშზე, არამედ **ხელშეკრულებაზე** სრულად.
- მხარეები** თანხმდებიან, რომ კონკრეტულ კრედიტის ხელშეკრულებაზე უარის თქმა ამავდროულად ავტომატურად არ გულისხმობს **გენერალური საკრედიტო ხაზით მომსახურების ხელშეკრულებაზე** (შეიძლება მოხსენიებულ იქნას ასევე როგორც - **გენერალური საკრედიტო ხელშეკრულება**) უარს. აქედან გამომდინარე, თუ კი იარსებებს რომელიმე დაკავშირებული **ხელშეკრულება** (მათ შორის შესაბამისი გირავნობის ხელშეკრულებები), რომელიც უზრუნველყოფს **გენერალურ საკრედიტო ხაზით მომსახურების ხელშეკრულებას** ან/და არ უკავშირდება იმ კონკრეტულ გარიგებას, რომელზეც უარს აცხადებს **კლიენტი**, **ბანკი** უფლებამოსილია აღნიშნული **დაკავშირებული ხელშეკრულებ(ებ)ი** დატოვოს ძალაში.
- ხელშეკრულებაზე** უარის თქმის შემთხვევაში **კლიენტი** ვალდებულია უზრუნველყოს **ბანკისათვის ხელშეკრულებით** განსაზღვრული წესით უარის თქმის შესახებ მიმართვიდან არაუგვიანეს 30 (ოცდაათი) კალენდარული დღის ვადაში **ხელშეკრულებით** განსაზღვრული და მასთან დაკავშირებული ყველა გადასახადისა და გადასახდელების **ბანკისთვის** სრულად გადახდა: სანოტარო ხარჯები და ადმინისტრაციული ორგანოების მიერ დაწესებული გადახდები/გადასახდელი თანხები, **პირგასამტეხლო ხელშეკრულებით** გათვალისწინებული პირობების (მათ შორის მიმდინარე შენატანის განხორციელების ვალდებულების) შეუსრულებლობის ან/და არაუგვიანეს შესრულებისთვის, **კრედიტის** ძირითადი თანხა, **კრედიტის** სარგებლობის პერიოდში **ხელშეკრულებით** გათვალისწინებული პირობების შესაბამისად დარიცხული და გადაუხდელი **პროცენტი/ახალი ბარათის/მასწავლებლის ახალი ბარათის შემთხვევაში - ყოველთვიური ფიქსირებული საკომისიო**. **კრედიტის** სარგებლობის პერიოდად ითვლება **კრედიტის** დამტკიცების დღიდან, **ხელშეკრულებით** განსაზღვრული ყველა გადასახადისა და გადასახდელის **ბანკისთვის** სრულად გადახდის დღის ჩათვლით პერიოდი. **კლიენტი** ასევე ვალდებულია დაუბრუნოს **ბანკს** გადაცემული ქონება (ასეთის არსებობის შემთხვევაში). გაუგებრობის გამოსარიცხად, **მხარეები** თანხმდებიან, რომ უარის თქმის უფლებამდე გადახდილი თანხა **კლიენტს** უკან არ უბრუნდება; ამასთან, ხელშეკრულებაზე უარის თქმის უფლების რეალიზებისთვის **კლიენტის** მიერ **ბანკისთვის** გადასახდელი თანხები გამოანგარიშდება ათვისებული თანხის, დაფარვის ვადების, გაწეული/გასაწევი ხარჯების, დარიცხული **პირგასამტეხლოს, საპროცენტო განაკვეთის/ყოველთვიური ფიქსირებული საკომისიოს** ან/და სხვა ფინანსური ხარჯების ცვლილების შესაბამისად. **კლიენტის** მიერ უარის თქმის უფლებით სარგებლობისთვის **ხელშეკრულებით** და **კანონმდებლობით** გათვალისწინებული ყველა ვალდებულების სრულად და ჯეროვნად შესრულებისა და **ხელშეკრულების** ამავე **ხელშეკრულებით** გათვალისწინებული წესების შესაბამისად გაუქმების შემდგომ, იმ შემთხვევაში, თუ **კლიენტს ბანკის** წინაშე არ ექნება მიმდინარე ფულადი ვალდებულებები (მათ შორის სხვა ხელშეკრულებებიდან გამომდინარე ვალდებულებები), **კლიენტს** დაუბრუნდება **ბანკისთვის** გადახდილი მხოლოდ ისეთი სახის საკომისიო თანხები,

რომლის კლიენტის მიერ გადახდის ვალდებულებაც ხელშეკრულებაზე უარის თქმის უფლების რეალიზების შედეგად აღარ იარსებებს ხელშეკრულებით ან/და კანონმდებლობით გათვალისწინებული პირობების შესაბამისად.

9. კლიენტისთვის აგრეთვე ცნობილია და ეთანხმება, რომ მიუხედავად ხელშეკრულებაზე უარის თქმის თაობაზე ბანკისთვის წერილობითი უარის დაფიქსირებისა, უარის თქმის უფლების რეალიზებისთვის აუცილებელი ვალდებულებების (ასეთის არსებობის შემთხვევაში) სრულად და ჯეროვნად შესრულებამდე, კლიენტი ვალდებული რჩება დათქმულ დროში, სრულად და ჯეროვნად შესარულოს ხელშეკრულებით გათვალისწინებული ვალდებულებები, მათ შორის ხელშეკრულებით განსაზღვრული პირობების შესაბამისად დროულად გადაიხადოს მიმდინარე შენატანი, წინააღმდეგ შემთხვევაში ბანკი უფლებამოსილია ისარგებლოს ხელშეკრულებით ან/და კანონმდებლობით მისთვის მინიჭებული უფლებებით, მათ შორის დაარიცხოს კლიენტს ხელშეკრულებით გათვალისწინებული პირგასამტეხლო ყოველ ვადაგადაცილებულ დღეზე, ამასთან ბანკი უფლებამოსილი იქნება ხელშეკრულებით გათვალისწინებული პირობების შეუსრულებლობის ან/და არაჯეროვანი შესრულებისთვის დადგენილი სანქციის, საპროცენტო განაკვეთის/ყოველთვიური ფიქსირებული საკომისიის ასევე მიმდინარე შენატანის, ზიანის/ზარალის ან/და ბანკისთვის გადასახდელი სხვა თანხები ჩამოწეროს კლიენტის ანგარიშებიდან უაქცეპტოდ 30 დღიანი ვადის გასვლამდე ნებისმიერ დროს. ყოველგვარი ეჭვის გამორიცხვის მიზნით, ბანკის სასარგებლოდ უქცეპტო ჩამოწერის უფლების არსებობა არცერთ შემთხვევაში არ ათავისუფლებს კლიენტს შესაბამისი გადასახდელებისა და გადასახადების ხელშეკრულებით გათვალისწინებული წესის შესაბამისად გადახდის ვალდებულების შესრულებისგან.

10. უარის თაობაზე პირველი შეტყობინების ბანკისათვის ფილიალში მისვლით ჩაბარებიდან არაუგვიანეს 30 (ოცდაათ) კალენდარულ დღეში, კლიენტი ვალდებულია უზრუნველყოს სრულად დასაფარი თანხის ბანკისთვის გადახდა ერთჯერადი დაფარვისა და ბანკისთვის მიმართვის გზით. კლიენტის მიერ უარის თქმის უფლების რეალიზებისთვის გადასახდელი თანხის სრულად დაფარვამდე, ბანკი უფლებამოსილია კლიენტის მიერ განხორციელებული ნაწილობრივი შესრულებები მიიჩნიოს კრედიტის თანხის წინსწრებით დაფარვად და იმოქმედოს წინსწრების შემთხვევებისთვის კანონმდებლობით, ხელშეკრულებით ან/და ბანკის შიდა-პოლიტიკით განსაზღვრული პირობების შესაბამისად. თუ კლიენტმა ასეთი წინსწრების შემთხვევებისთვის წინასწარ არ განუსაზღვრა ბანკს ახალი გრაფიკის კანონმდებლობით განსაზღვრული ალტერნატივები, ბანკი უფლებამოსილია თავის შეხედულებისამებრ მიიღოს გადაწყვეტილება ახალი გრაფიკის ფორმირების თაობაზე. ამასთან, რეგულვირებადი პროდუქტებით (მათ შორის ოვერდრაფტი, საკრედიტო ბარათი) სარგებლობისას, იმ შემთხვევაში თუ კლიენტი ხელშეკრულებაზე უარის დაფიქსირების შემდგომ 30 დღეში განხორციელებს ათვისებული თანხის მხოლოდ ნაწილის დაფარვას, ბანკი უფლებამოსილია საკუთარი შეხედულებისამებრ, არ მიიჩნიოს აღნიშნული წინსწრებად/ლიმიტის შემცირებად. მიუხედავად აღნიშნულისა, ბანკი აგრეთვე უფლებამოსილია ნაწილობრივი შესრულებით მოახდინოს ლიმიტის შემცირება იმ შემთხვევაში, თუ კლიენტის მიერ განხორციელებული შენატანები საკმარისი აღმოჩნდება მიმდინარე შენატანის სრულად დასაფარად, კლიენტი დამატებით მიმართავს ბანკს ხელშეკრულებით გათვალისწინებული წესით იმის თაობაზე, რომ მას სურს ლიმიტის შემცირება და არა ხელშეკრულებაზე უარის თქმა და მიმდინარე შენატანების დაფარვის შემდგომ დარჩენილი ფულადი სახსრები კლიენტის საკრედიტო ბარათის/ოვერდრაფტის ანგარიშზე ბანკისთვის ხელმისაწვდომი იქნება უარის თქმის უფლების თაობაზე პირველივე შეტყობინების განხორციელებიდან 30-ე დღის ამოწურვის შემდგომაც იმ ოდენობით, რაც საკმარისი იქნება ლიმიტის შემცირების მოთხოვნის დაკმაყოფილებისთვის. ასევე, საკრედიტო ბარათის/ოვერდრაფტის შემთხვევაში ათვისებული თანხის ნაწილობრივ დაფარვის მიზნით შესრულებული გადახდები მხოლოდ იმ შემთხვევაში ჩაითვლება მიმდინარე შენატანის დაფარვად თუ აღნიშნული გადახდები შესრულებული იქნება ხელშეკრულებით შენატანის გადახდისთვის დადგენილი წესის სრულად დაცვით.

11. მხარეები ერთმნიშვნელოვნად თანხმდებიან, რომ გაცემული/ათვისებული თანხის და შესაბამისი გადასახდელების სრულად დასაფარად საკმარისი კლიენტის ფულადი სახსრების ბანკში არსებობის ან/და განთავსების შემთხვევაში, არ მოხდება ბანკის წინაშე ვალდებულების ავტომატურად დაფარვა და კლიენტის იცინიატივით ხელშეკრულებაზე უარის თქმის მიზნით ვალდებულების დაფარვა (მათ შორის, ნაწილობრივ გადახდის გზით) შესაძლებელია განხორციელდეს მხოლოდ ყოველი ასეთი შესრულების/დაფარვის დროს, ხელშეკრულებით გათვალისწინებული პირობების შესაბამისად კლიენტის მიერ ბანკისთვის მიმართვის საფუძველზე.

12. თუ კლიენტი არ უზრუნველყოფს ბანკისათვის პირველი შეტყობინების გაგზავნიდან არაუგვიანეს 30 (ოცდაათ) კალენდარულ დღეში ხელშეკრულებით გათვალისწინებული ვალდებულებების შესრულებას, ბანკი უფლებამოსილია ცალმხრივად, კლიენტისთვის ინფორმირების გარეშე: გააგრძელოს ხელშეკრულება, ასევე თანხის ნაწილობრივ ჩამოჭრის/დაფარვის შემთხვევაში, ბანკის გადაწყვეტილების შესაბამისად ასეთ თანხაზე იხელმძღვანელოს კრედიტის წინსწრებით დაფარვის პირობების შესაბამისად.

13. იმ შემთხვევაში, თუ უარის თქმის უფლების რეალიზების პროცესში, ნებისმიერ დროს წარმოიშობა კლიენტის სხვა სახის დავალიანება (მათ შორის ვადამოსული ან/და ვადამოუსვლელი) გარდა უარის თქმის უფლების რეალიზებისთვის შესასრულებელი ფულადი ვალდებულებებისა, ბანკი უფლებამოსილია კლიენტის მიერ განხორციელებული შესრულებებით (ან/და კლიენტის ანგარიშზე არსებული თანხის უაქცეპტო ჩამოწერის გზით) პირველ რიგში დაფაროს ასეთი სხვა სახის დავალიანება, ხოლო შემდგომ უარის თქმის უფლების რეალიზების მიზნით ბანკისთვის გადასახდელი თანხები. კლიენტმა სიმრავლისას, ერთ-ერთი კლიენტის მიერ უარის თქმა წარმოშობს ანალოგიურ შედეგებს დანარჩენ კლიენტთა მიმართაც, მიუხედავად ამ უკანასკნელთა პოზიციისა, თუ მხარეები სხვა რამეზე არ შეთანხმდებიან. გადასახდელი თანხები გამოანგარიშდება ხელშეკრულებიდან და ხელშეკრულებასთან დაკავშირებული გადასახდელებისა და გადასახადებიდან, და არა კონკრეტული კლიენტის პროპორციიდან გამომდინარე, მათ შორის, ხელშეკრულებიდან ათვისებული თანხის, გაწეული/გასაწევი ხარჯების, დაფარვის ვადების, პირგასამტეხლოს, საპროცენტო განაკვეთის/ყოველთვიური ფიქსირებული საკომისიის შესაბამისად.

14. კლიენტის მიერ უარის თქმის შემთხვევაში ხელშეკრულება შეწყვეტილად ითვლება ხელშეკრულებით განსაზღვრული უარის თქმასთან დაკავშირებული მოთხოვნების სრულად შესრულების შემდეგ.

15. ხელშეკრულებაზე უარის თქმით შეწყვეტით შემთხვევაში, ბანკი უფლებამოსილია მოითხოვოს ისეთი ხელშეკრულების გაუქმება, რომელიც დაიდო ბანკთან ან/და მესამე პირთან ბანკისა და მესამე პირს შორის დადებული ხელშეკრულების საფუძველზე და უკავშირდება ხელშეკრულებას. კლიენტი ბანკს ანიჭებს გამოუთხოვად უფლებას, ამგვარად დაკავშირებული ხელშეკრულების გაუქმების თაობაზე დაუყოვნებლივ აცნობოს კლიენტს ან/და მესამე პირს. ბანკი უფლებამოსილია ინფორმირების მიზნით, ნებისმიერი ინფორმაცია ანდა დოკუმენტაცია გადასცეს კლიენტს ანდა

მესამე პირს. გაუგებრობის გამოსარიცხად, ამ ქვეპუნქტის მიზნებისათვის დაკავშირებულ ხელშეკრულებად არ განიხილება უზრუნველყოფის ხელშეკრულებები. ამასთან, **კლიენტისთვის** ცნობილია და ეთანხმება, რომ **მესამე პირსა** და **კლიენტს** შორის ურთიერთობიდან გამომდინარე ნებისმიერ და ყველა მოთხოვნაზე/პრეტენზიაზე პასუხისმგებელია შესაბამისი მხარე (**კლიენტი ან/და მესამე პირი**) და არცერთ შემთხვევაში **ბანკი**, შესაბამისად აქედან გამომდინარე **მესამე პირის, კლიენტის, მარეგულირებელი ორგანოს ან/და სხვა ნებისმიერი პირის** მოთხოვნები/პრეტენზიები უნდა წარედგინოს **კლიენტს ან/და ასეთ მესამე პირს** კონექსტის შესაბამისად.

16. **კრედიტის მიზნობრიობა:** *სამომხმარებლო* ; **კრედიტის მოცულობა:** [თანხა ციფრობრივად ([თანხა სიტყვიერად]) ლარი]; **კრედიტის წლიური პროცენტი:** [პროცენტი ციფრებით] % ერიცხება დღიურად **კლიენტის** მიერ **კრედიტის** გაცემული თანხის ნაშთს (შემდგომში - **ძირითადი თანხა**); **კრედიტის** ეფექტური საპროცენტო განაკვეთი: [პროცენტი ციფრებით]; **კრედიტის** მოქმედების ვადა: [მიეთითოს კონკრეტული თარიღი] -მდე; **ხელშეკრულების** მოქმედების ვადა: [მიეთითოს კონკრეტული თარიღი] -მდე, მაგრამ ყველა შემთხვევაში, სანამ სრულად არ იქნება შესრულებული **კლიენტის** ვალდებულებები **კრედიტის** ათვისების ვადა (პერიოდი რომლის განმავლობაშიც **კლიენტმა** შეიძლება ისარგებლოს **კრედიტით ხელშეკრულებაში** მოცემული პირობებით): [მიეთითოს კონკრეტული თარიღი] -მდე, თუ **ბანკი** სხვაგვარად არ გადაწყვეტს; **საპროცენტო განაკვეთის** ტიპი: ფიქსირებული საპროცენტო განაკვეთი ; **კრედიტის** თანხის გაცემის წესი: **კრედიტის** თანხა გაიცემა ერთ ტრანშად **კლიენტის** მიმდინარე **ანგარიშზე** თანხის ჩარიცხვის გზით ; ყოველთვიურად გადასახდელი მთლიანი თანხის (შენატანის) ოდენობა: [მიეთითოს თანხა ციფრობრივად] ლარი ; **კლიენტის** მიერ გადასახდელი მთლიანი თანხის ოდენობა: [მიეთითოს თანხა ციფრობრივად] ლარი ; **კრედიტის** დაფარვის წესი: **კლიენტი** ვალდებულია გადაიხადოს დარიცხული **პროცენტი** და ძირითადი თანხა ყოველთვიურად, თანაბარწილებად, **გრაფიკის** შესაბამისად; **კრედიტის** მთლიანი მოცულობიდან ფინანსური ხარჯების გამოკლებით დარჩენილი გასატანი თანხა: [მიეთითოს თანხა ციფრობრივად] ლარი ;

17. **კლიენტს** შეუძლია **კრედიტის** ვადაზე ადრე დაფარვა ნებისმიერ დროს და ოდენობით პირგასამტრეხლოს გარეშე.
18. **კრედიტის** და მასთან დაკავშირებული გადასახდელების დაფარვის თანმიმდევრობა შემდეგია: პირველ რიგში იფარება ხარჯები (მათ შორის და არამარტო საარბიტრაჟო, სასამართლო დავასთან, სააღსრულებო წარმოებასთან დაკავშირებული ხარჯები, ზიანის / ზარალის ანაზღაურების თანხები და სხვა), შემდგომ **საპროცენტო სარგებელი** და ბოლოს **კრედიტის თანხა**. ამასთან, აღნიშნული რიგითობა განისაზღვრება **ბანკის** შეხედულებისამებრ, გარდა ამავე **ხელშეკრულებით** გათვალისწინებული გამონაკლისებისა.

19. **ბანკის** წინაშე **კლიენტის** ერთდროულად ერთზე მეტი ვადამოსული ფულადი ვალდებულების არსებობის შემთხვევაში, როდესაც **კლიენტის ანგარიშზე** განთავსებული თანხა არ არის საკმარისი ერთზე მეტი ვადამოსული (მათ შორის ვადაგადაცილებული) ვალდებულების სრულად შესასრულებლად, ყოველ ჯერზე, ასეთი გარემოების დადგომის დღეს (და არა წინასწარ), სამუშაო დღეებში 17:30 სთ-მდე, ხოლო შაბათს 13:30 სთ-მდე, **კლიენტს** უფლება აქვს, **ბანკის** მიერ განსაზღვრული წესით, **ბანკის** ფილიალისთვის, სერვის ცენტრითვის მიმართვის გზით, ასევე **ბანკის** ინტერნეტ ბანკის, სატელეფონო ცენტრის საშუალებით (ხოლო ინდივიდუალური მეწარმის, იურიდიული პირის და სხვა ორგანიზაციული წარმონაქმნის შემთხვევაში დასაშვებია მხოლოდ **ბანკის** ფილიალისთვის, სერვის ცენტრითვის მიმართვა და არჩევანის დაფიქსირება) აირჩიოს ვალდებულებების შესრულების (საკრედიტო პროდუქტების დაფარვის) რიგითობა. თუ აღნიშნულ ვადაში და წესით **კლიენტი** არ ისარგებლებს მისთვის მინიჭებული ზემოაღნიშნული უფლებით, **კლიენტის** ფულადი ვალდებულებების დაფარვა განხორციელდება შემდეგი თანმიმდევრობით: (I) საკრედიტო ბარათ(ებ)ი, ოვერდრაფტ(ებ)ი, არაუზრუნველყოფილი კრედიტ(ებ)ი; (II) მხოლოდ გირავნობით (გარდა ფულადი სახსრების/დეპოზიტის) უზრუნველყოფილი კრედიტ(ებ)ი; (III) მხოლოდ თავდებობით ან/და საბანკო გარანტიით უზრუნველყოფილი კრედიტ(ებ)ი; (IV) უძრავი ქონებით უზრუნველყოფილი კრედიტ(ებ)ი; (V) ფულადი სახსრებით/დეპოზიტით უზრუნველყოფილი კრედიტ(ებ)ი; (VI) სხვა სახის კრედიტ(ებ)ი. მიუხედავად ზემოაღნიშნულისა, **ბანკი** უფლებამოსილია თავად განსაზღვროს **კლიენტის** ფულადი ვალდებულებათა შესრულების რიგითობა.

20. **კლიენტი** აცხადებს თანხმობას **ბანკის** სრულ უფლებამოსილებაზე, წინამდებარე **ხელშეკრულებიდან** გამომდინარე **კლიენტის** ნებისმიერი ფულადი ვალდებულების შესრულების მიზნით **ბანკმა** დააკავოს **კრედიტის (ოვერდრაფტის) თანხიდან** ან/და ჩამოწროს **კლიენტის** ნებისმიერი **ანგარიშიდან**, მათ შორის სადეპოზიტო **ანგარიშიდან**, (თუ გადასახდელი და **ანგარიშზე** რიცხული თანხა სხვადასხვა ვალუტაშია, **ბანკმა** თავად განახორციელოს კონვერტაცია გადახდის მომენტისთვის **ბანკში** მოქმედი კომერციული კურსით, ხოლო კონვერტაციის მომსახურების ღირებულება ასევე უაქცეპტოდ ჩამოწროს **კლიენტის ანგარიშიდან**) და დაფაროს ფულადი ვალდებულებები.

21. **კრედიტის** სრულად დასაფარად საკმარისი **კლიენტის** ფულადი სახსრების **ბანკში** არსებობის ან/ განთავსების შემთხვევაში არ მოხდება **კრედიტის** წინსწრებით (ვადაზე ადრე) ავტომატურად დაფარვა და **კლიენტის** იცინიატივით **კრედიტის** სრულად ან ნაწილობრივ ვადაზე ადრე დაფარვა შესაძლებელია განხორციელდეს **ხელშეკრულებით** გათვალისწინებული პირობების შესაბამისად **კლიენტის** მიერ **ბანკისთვის** მიმართვის საფუძველზე.

22. **ბანკი** უფლებამოსილია ცალმხრივად შეცვალოს **ხელშეკრულების** პირობები. **ხელშეკრულების** მნიშვნელოვანი პირობების ცვლილების შემთხვევაში, **კლიენტის** ინფორმირება მოხდება ცვლილებამდე არანაკლებ 2 (ორი) თვით ადრე, ხოლო სხვა საფინანსო პროდუქტის ფასის ზრდის შემთხვევაში - არანაკლებ 1 (ერთი) თვით ადრე წერილობით/ელექტრონული ფოსტით/ინტერნეტ-ბანკით/მოკლე ტექსტური შეტყობინებით. შეტყობინების ვადების აღნიშნული მოთხოვნები არ ვრცელდება თუ **ხელშეკრულების** ცვლილება: (ა) ხორციელდება **კლიენტის** სასარგებლოდ, რაზედაც **მხარეები** თანხმდებიან, რომ **ბანკი** თავისუფლდება ასეთი ცვლილებების შესახებ შეტყობინების ვალდებულებისგან; ან (ბ) არ იწვევს **ხელშეკრულების** მნიშვნელოვანი პირობების ცვლილებას ან/და სხვა საფინანსო პროდუქტის ფასის გაზრდას.

23. **მნიშვნელოვანი რისკები.** **კლიენტისთვის** ცნობილია, რომ **კლიენტის** მიერ **ხელშეკრულებით** გათვალისწინებული ფულადი ვალდებულებ(ებ)ის შეუსრულებლობის შემთხვევაში, მათ შორის **კრედიტის** ძირითადი თანხის დაუბრუნებლობის შემთხვევაში **ბანკმა** შესაძლოა მიაქციოს გადახდევინება **კლიენტის** ქონებაზე, მათ შორის **ბანკმა** მიმართოს ისეთ ღონისძიებებს, როგორიცაა (ა) **კლიენტის** ნებისმიერი ქონების (მათ შორის, ანგარიშების, ფულადი სახსრების) დაყადაღება, შეზღუდვების, აკრძალვების, უფლებრივი ტვირთის გაგრძელება; ან/და (ბ) **კლიენტის** საბანკო ანგარიშებიდან (მათ შორის სადეპოზიტო ანგარიშებიდან) ან/და სხვა ანგარიშებიდან ფულადი სახსრების უაქცეპტო წესით ჩამოწერა; (გ) **კლიენტის** გადახდისუნარიობის საქმის წარმოების დაწყების მოთხოვნა.

24. თუ **ხელშეკრულებით** გათვალისწინებული გადასახდელების გადახდის თარიღამდე დარჩენილია 14 (თოთხმეტი) დღე ან ნაკლები, **კლიენტის** მომდევნო გადასახდელის შესრულების მიზნით და მოცულობით **ბანკი** უფლებამოსილია დაბლოკოს **კლიენტის** ნებისმიერ **ანგარიშზე** არსებული თანხები.

25. თუ რომელიმე კალენდარულ თვეს **კლიენტის ანგარიშზე** არ ჩაირიცხება თანხები, რომელიც **ბანკის** შეხედულებით წარმოადგენს წინამდებარე **კრედიტის** დაფარვის ძირითად (მაგრამ არა ერთადერთ) წყაროს, შესაბამისად **კლიენტი** ვალდებული იქნება დაუყოვნებლივ სრულად დაფაროს ათვისებული **ძირითადი თანხა** და დარიცხული **პროცენტი** თუ **ბანკი** სხვაგვარად არ გადაწყვეტს.

26. **ბანკი** უფლებამოსილია შეწყვიტოს **ხელშეკრულება** და მოთხოვოს **კლიენტს** ფულადი ვალდებულებების ვადაზე ადრე დაუყოვნებლივ შესრულება **კლიენტის** მიერ **ხელშეკრულებით** ნაკისრი რომელიმე ვალდებულების დარღვევის, **ხელშეკრულებით** (მათ შორის **პირობებით**) გათვალისწინებული შესაბამისი გარემოების დადგომის შემთხვევაში.

27. **პროცენტის დარიცხვის გაგრძელება.** **კლიენტი** აცხადებს თანხმობას, **ბანკის** სრულ უფლებამოსილებაზე, ნებაყოფლობით ან გადახდევინების მიქცევის გზით ფულადი ვალდებულებების სრულად დაფარვამდე, გაგრძელდეს/ შენარჩუნდეს **პროცენტის** დარიცხვა დავალიანების სრულ ოდენობაზე **ხელშეკრულებით** განსაზღვრული პირობების შესაბამისად.

28. **მონიტორინგი.** **კლიენტი** აცხადებს თანხმობას **ბანკის** სრულ უფლებამოსილებაზე, **ხელშეკრულების** მოქმედების პერიოდის განმავლობაში ნებისმიერ დროს, **ბანკმა** **კლიენტთან** მოახდინოს სატელეფონო კომუნიკაცია ან/და მიავლინოს **კლიენტის** საქმიანობის ან/და სხვა შესაბამის ადგილზე **ბანკის** თანამშრომელი ან/და **ბანკის** მიერ განსაზღვრული უფლებამოსილი პირი და შეაფასოს, დაასურათოს, შეადგინოს შესაბამისი აქტი **კრედიტის მიზნობრიობის** შემოწმების და მონიტორინგის, ასევე **კრედიტის** დაფარვის წყაროს შესწავლის მიზნით და ამ მიზნების შესასრულებლად საჭირო მოცულობით.

29. ეს **ხელშეკრულება** და მის ფარგლებში დადებული გარიგება(ები) დადებულად ჩაითვლება, **მხარეთა** ხელმოწერით ან/და **ბანკის** მიერ განსაზღვრული ელექტრონული არხის საშუალებით (მათ შორის ბანკომატით) თანხმობის გამოხატვით. ასეთ თანხმობას ექნება მატერიალურ დოკუმენტზე ხელმოწერის ტოლფასი იურიდიული ძალა.

30. წინამდებარე **ხელშეკრულება** შედგენილია ქართულ ენაზე. **მხარეთა** შეთანხმებით **ხელშეკრულება** დამატებით შესაძლოა დაიდოს სხვა ენაზეც. ამ შემთხვევაში **ხელშეკრულების** ქართულ ენაზე შედგენილ ეგზემპლარს უპირატესობა მიენიჭება **ხელშეკრულების** სხვა ენაზე შედგენილ ეგზემპლარებთან მიმართებაში. ამასთან, რაც ამავდროულად გულისხმობს, რომ **კლიენტისთვის** სახელშეკრულებო პირობებისა და ინფორმაციის მიწოდება, ასევე **კლიენტთან** კომუნიკაცია **ხელშეკრულების** მოქმედების პერიოდში განხორციელდება ქართულ ან ინგლისურ ან რუსულ ენაზე.

31. **ხელშეკრულება** რეგულირდება და განიმარტება საქართველოს **კანონმდებლობის** შესაბამისად. საქართველოს სამოქალაქო საპროცესო კოდექსის 268-ე მუხლის 1¹ ნაწილის საფუძველზე, დავასთან დაკავშირებით პირველი ინსტანციის სასამართლოს მიერ **ბანკის** სასარგებლოდ მიღებული გადაწყვეტილება მიქცეული იქნება დაუყოვნებლივ აღსასრულებლად.

32. **ბანკის** საზედამხედველო ორგანოს წარმოადგენს საქართველოს ეროვნული ბანკი, რომლის მისამართია: 0114 თბილისი, საქართველო, სანაპიროს ქუჩა № 2.

33. შენატანების ჯამური მოცულობა: _____, მათ შორის ძირი _____, ხოლო პროცენტი: _____.
შენატანის № _____ სულ _____ მათ შორის ძირი _____ ნარჩენი _____ შენატანის № _____ სულ _____ მათ შორის _____ ნარჩენი _____
და თარიღი _____ შენატანი _____ | პროცენტი _____ ძირი _____ და თარიღი _____ შენატანი _____ ძირი _____ | პროცენტი _____ ძირი _____

ბანკი	კლიენტი
-----	-----